

DISSERTATIONEM INAUGURALEM  
DE

# DIABETE,

AUTHORITATE

*Atq; Consensu Inclyti Medicorum Collegii,  
in illustri Academia Julid,*

SUB PRÆSIDIO

*VIRI AMPLISSIMI ET CLARISSIMI,*

DN. HERMANNI CONRINGII

Phil. & Med. D. hujusq; & Polit. P. P. longè  
Celeberrimi, p. t. Fac. Med. Decani

spectabilis

Dn. Patroni ac Promotoris æternùm  
devenerandi,

PRO SUMMIS IN ARTE MEDICA HO-  
NORIBVS, PRIVILEGIISQVE DOCTORALIBVS  
CAPESSENDIS,

publicè examinandam proponet

IN MAGNO JULEO

Horis ant. & pomerid. d. xi. Octobr.

ANNO ACAD. JUL. SEcul. PRIMO. 1676.

M. AUGUSTUS QUIRIN. RIVINUS,  
Lipsiensis.

— (o) —

HELMESTADI,

Typis HENRICI DAVIDIS MULLERI Acad. Typ.







JUVANTE DEO.  
PROLEGOMENA:



Ix toleranda Veterum quorundam consuetudo fuit, servaturque hodiernum à nonnullis Practicorum, ægrotos omnes, quos Venæ sectio, purgatio crebrius vehementiusque repetita, sudorifera similiter ac diuretica non juvarent, desperatos pronunciare ac incurabiles. Experti sunt idem fatum Diabetici, dumque variè tentarentur hisce præsidiorum generibus, ac nihilominus laberentur in universi corporis tabem ac ariduram, tandemque morerentur, pro deploratis sunt habiti, adeò, ut & *Duretus in Holler. p. 447.* simpliciter neget, veram diabetem unquam esse curatam. Auxit nempe curæ difficultatem ipsius affectûs raritas. Cumque idem Medico aliàs sat negotioso, vix unâ aut alterâ vice occurreret in praxi, aliorum autem observationes ac experimenta deficerent, factum sæpius inde est, ut obvia quævis ac incongrua præscriberentur, donec supremus ægro dies vitæ non minus quàm cu-



rationis tædia finiisset. Hæc autem ut me ter-  
reant, tantum abest, ut potius eandem mihi Dia-  
betem seligam tanquam non indignam differ-  
tationis materiam. Tradam ergò, sed breviter,  
quid vero similis circa naturam, causas, cu-  
ramque hujus morbi videatur. Faxit Divinum  
Numen, ut ex voto succedat.

## THESIS I.

**D**iabetes vox origine græca est, à *διαβαίνω* seu trans-  
eo, eò quod potus per urinam cito reddatur; re-  
tenta dein ac Latio donata est, quemadmodum plura alia  
morborum nomina, dysuria, diarrhœa, nephritis &c.

II. Sortita est interim & alias appellationes, tùm  
à Græcis, quas collectas videbis in *Galenì l. VI. loc. Aff-  
sect. 3.* tùm à Latinis sequioris cumprimis ævi, qui ean-  
dem aquam intercutem sive hydropem matulæ, diar-  
rhœam in urina seu nephriticam, it. urinæ profluvium  
vocant. *Conf. Forestus lib. XXIV. Obs. IV. in schol. p. m. 444.*

III. Sed missa *ονομασλογία*, realem Diabetis tra-  
ctationem ordior. Nullatenus autem in examinandis  
aliorum definitionibus multùm immorari placet; saltim,  
quâ ratione hanc arbitrer definiendam, paucis explica-  
tum dabo.

IV. Diabetes est mictio crebra & copiosa, ex de-  
fectu particularum, quas Sulphureas nonnulli vocant,  
& inde nimia sanguinis fluiditate orta; quam comitatur  
fritis, siccitas oris, ac vehemens æstus, tandemque totius  
corporis contabescencia.

V. Generis locum occupat mictio. Atque in  
hoc convenit cum stranguriâ & dysuriâ seu mictionibus  
dolorosis,



dolorosis, & diamine live mictione involuntaria, a barbaris sic dicta, referente *Joh. Angl. in Ros. Angl. p. 516.*

VI. Reliqua definitionis verba constituunt differentiam; quæ partim desumpta est à tempore, partim à quantitate excreti, partim à causa, partim à materia, partim ab adjunctis symptomatibus.

VII. Ut ergò quis diabeticus nominetur, necesse est, dicta hæc requisita concurrant. Etenim non sufficit quenquam crebrius aut copiosius mingere (idem namque & potatorum mos est) nisi & æstum ac sitim coetæraque patiatur symptomata, quæ uno intuitu comprehendens recensita ab *Hor. Augenio Epist. & Consult. Med. Lib. III. p. m. 425, 10.*

IIIX. Notavit sanè *Henr. Smetius* non semel se post parcum potum largius ac copiosius minxisse (videlicet ejusdem *Miscellanea Medica p. 586.*) Hunc autem urinæ fluxum potius criticum quàm symptomaticum dicere eò, quodocunque cum euphoria & præter jacturas virium contigerit. Quare nec hæc passio pro diabete venditanda est.

IX. Porro, dum diabeticorum crebriorem dico mictionem, nolo hanc cum continua atque involuntaria confundi. Vana proinde ac molesta ægro erit *Gualt. Bruele* curiositas, qui in *Praxi Med. Th. & Emp. p. m. 102. b.* ne foetor lecti aut braccarum oriatur, colo adaptari vesicam suillam, ante oleo emollitam, jubet, ut hac arte, quicquid elabatur urinæ, excipiatur.

X. Quamvis enim non desit renibus, quod continuo trajiciant vesicæ, hæc tamen incontinentiæ crimine ideò non statim accusanda venit. Testantur potius contrarium observata Medicorum; retinuisse scilicet plus justo quosdam urinam, licet id non impune tu-



lerint, ac exinde testium, lumborumque tumorem passi  
sint. *Vid. idem Bruele p. 160. b. Aretaus lib. II. cap. 2. & alii.*

XI. Copiam urinæ quod concernit, moneo, ean-  
dem non in omnibus esse parem. Refert *Paschasius lib. 1. de cur. morb. cap. L. p. 155.* puellam Mediolanensem per singulos sexaginta dies sexdecim matulas urinæ mictu implevisse, cum biberet circiter tres ampullas. *Hollerius in schol. p. 444.* memorat urinæ quendam sex quotidie pintas Lutetianas excrevisse. Conferatur *Dodonaus in Obs. cap. 42. p. 74.* atque *Schenkius obs. lib. 3. p. 301.* Satis est, si modo plus mejant, quam potent, aut liquidorum assumant.

XII. Quantitatem hanc urinæ dum metimur, sistit se simile ejusdem qualitas. Atque sic quisquam non immerito quæsitaret, qualenam istud sit, quod diabetico fluxu excernatur, sive qualem saporem coloremve habeat.

XIII. Circa saporem solus, quod sciam, *Willisius in Pharm. ration. p. 105,* notavit, eundem in diabeticorum urina quasi saccharatum aut mellitum, adeoque dulcem deprehendi.

XIV. Variant autem in determinando urinæ colore Practici. Quidam eandem tenuem asserunt, aquosam, crudam & sine sedimento; Videatur *Sennertus Pr. lib. III, p. VI. Sect. 2. cap. 2.* Econtra negat *Theod. Collado in Advers. Tom. II, p. 327.* adversus Palmarium & Dodonaum ullo modo alterari potum, sed nec substantia, nec colore, nec odore, nec sapore immutatum reddi asserit.

XV. Alii hac de causa distinguunt diabetem in veram & notham. Illam dicunt copiosam potus non transmutati mictionem; Hanc vocant colliquativum urinæ profluvium, quæ tamen diversa sit ab assumptis potulentis.



tulentis. Vid. *Danc. Liddelius Pathol. lib. 11. cap. 13. p. m.*  
*2, 8. & Pereda c. I. p. 155.* Aliter eandem distinctionem ex-  
plicat *Hieron. Capiuacius in Pract. Med. cap. 27. p. 734. & 737.*

XVI. Rectius autem distingueretur diabetes in  
inchoatam & consummatam. Inchoatam forte haud  
injuria quis vocaverit, quam alii notham dicunt: atque  
sic nemo inficias ibit, in morbi principio potum omni-  
no alterari; progressu verò temporis, ubi omnes jamjam  
digestiones destructæ sunt; concedi potest assumpta non  
æque immutari posse; Tunc ergò consummatam verius,  
quàm veram diabetem nominaveris.

XVII. Eadem & mens Sennerti fuit, qui & hoc  
superaddit, distinguenda esse assumpta, aliaque facilius  
alia difficilius mutari. Aqua igitur, cum adeò mutari  
non necesse habeat, mirum non est, si eadem colore &  
sapore, qualis assumpta fuit, rursus excernatur, alius verò  
potus (v. g. lac aut emulsio seminum) non æquè crudus  
excipiatur matulâ.

XIIX. Deveniendum nunc quoque est ad effici-  
entem diabetis causam. Reperio autem tot ferme scri-  
ptorum sententias, quot mihi libros evolvisse contigit.  
Res tanti fortassis non est ut inutiliter chartam ac tem-  
pus teram. Paucis: Veterum alii renum intemperiem  
calidam, alii frigidam, alii modo hanc, inodo illam ac-  
cusant. Quidam vim renum attractricem laborare in  
excessu, quidam in defectu asserunt. Addunt his alii cali-  
dum epar, alii laxitatem ventriculi. Alii plura.

XIX. *Paracelsus* autem, prout undique alumino-  
sa, nitrosa ac vitriolica salia in morbis supponit, ita  
hoc quoque in affectu, sal quoddam acre nitrosum, re-  
nibus inhabitans, massam sanguineam fundere, cætera-  
que invehere symptomata statuit. Vid. *de Tart. lib. 2. Tr. 3.*



XX. *Fr. de le Boe Sylvius* vitiosæ renalium caruncularum constitutioni deberi secretionem urinæ copiosiore affert, atque hinc roborantia saltem & adstringentia præscribit, pro coarctanda scilicet canalium laxitate, vitioque substantiæ caruncularum emendando. Vid. *Pr. Med. lib. 1. cap. 52, 11. & 73.*

XXI. Propius verò accessit *Willis*, dum causam in ipsa massa sanguinea quærit. Errasse tamen in eo videtur, quod colliquationem sanguinis ab acri acido fieri velit. Tantum enim abest ut acida resolvant sanguinem, ut potius eundem coagulent. Deceptum autem Willisium similitudine lactis suspicor, quod hinc inde cum sanguine componit.

XXII. Dicam ergo, quid mihi persuasum habeam pro determinanda diabetis causa. Præsuppono nimirum sanguinem non tantum particulis salinis, sed & aqueis ac terreis constare. Salinæ fermentationi dicatæ sunt: aqueæ saltem vehiculum sunt reliquarum atomorum, sanguinique fluiditatem conciliant, terreæ autem, aliis sulphuræ, oleosæ aut pingues dictæ quemadmodum totum nutriunt corpus, ita suo quasi bitumine combinant salia, eorundemque tum acrimoniam temperant, tum citam alioquin transpirationem inhibent.

XXIII. Abundant interdum hæ particule, præcipuè in nimium obesis, quâ de causa quoque vix ullis moventur sudoriferis aut diureticis, eò, quod istæ lentore suo hebetent aculeos salium, eosdemque impedian, quo minus resolvant sanguinem, serumque moveant.

XXIV. Abundant similiter in ischuriâ seu omnimodâ urinæ suppressione, quando nec calculus, nec inflammatio aut simile impedimentum reperitur in sectione cadaveris cujus exempla collegit *Willis. c. 1. p. 102.*

XXV. Ea-



XXV. Eadem hæc atque non alia videtur causa sanguinis adeò crassi quasque coagulati, qui non, nisi vulnere trium transversorum digitorum longitudinis inflicto, elici potuit à Chirurgo; quod *Borellus* notavit *Hist. & Obs. Cent. IV. obs. 93. p. 347.*

XXVI. Deficiunt contrà eadem particulæ in tabe, item hæmorrhagiis quibusdam spontaneis, cum primis malignis in febribus; evidentius tamen in diabete, quod sic demonstro.

XXVII. Urinæ à sanguine secretionem non aliam credo, quàm hanc: Affluit sanguis ad renes per emulgentes arterias; quod serosum est renum substantiam quasi filtrum transit, ulteriusque ad vesicam ablegatur; quædam tamen lymphæ pars per lymphatica renum regurgitat. Crassiores autem sanguinis partes regrediuntur iterum per venas ad cavam.

XXIIX. Quo plus autem feri continetur in sanguine, hoc major copia secernitur in renibus. Contrà, quo pinguior aut, ut nonnullis loqui placet, magis butyrosus ac sulphureus est sanguis, eò minus transcolari aptus est, adeò, ut & ne gutta quidem secedat, si totus oleosus fuerit.

XXIX. Par etenim ratio sanguinis est ac generosi vini, quod ubi purum est, linteoque guttatim instillatur, non nisi vi quadam accedente trajicitur; si verò aquâ adulteratum fuerit, hæc statim linteum permeat, collectâ superiùs oleosâ vini parte.

XXX. Cum itaque renes in transcolanda urinâ passivè saltim se habeant ac instrumentaliter, nihilq; efficienter conferant ad sanguinis serositatem, hinc in diabete renes à culpâ absolvendos omnino judico, veram autem causam in materiæ dispositione quærendam esse.

XXXI. Positivam ergò ac materialem diabeticis causam in definitione dixi fluiditatem sanguinis. Defectus autem particularum pinguiorum five sulphurearum hujus fluiditatis causa est efficiens, aut verius deficiens.

XXXII. Possem hîc varias diabeticorum historias excutere, quave ratione particulæ sanguinis oleosæ destruantur v. g. diurèticis nimium assumtis ac lithontripticis, aquisque thermalibus; item ex abusu coto-neorum (quale quid Alfonso Neapolitano Regi contigisse tradit *Paschasius c. l. p. 155. b.* Conferatur & *Schenkius Obs. Med. lib. III. fol. 501.*) item ex nimio vini & creta-mi usu, esuve farciminis piperati, quod annotavit *Amatus Lusitanus Obs. Med. p. 336.*

XXXIII. Cum verò probè sciam, quanta fides observationibus ejusmodi tribuenda sit, ac quousque nos credulitas sæpè nimia deducat; satius esse duco, relinquere incerta, quàm prolixius tradere. Commit-tuntur namque quotidie fallaciæ non causæ ut causæ in medicina, non minùs in designandis morborum occasionibus, quàm in ipsa pharmacorum censurâ. Sæpius enim in minimis curiosi sumus, iisdemque effectum tribuimus, debitum aliis ac manifestiùs quidem operantibus.

XXXIV. Rarum ac peculiare quid est, quod *Duretus in Holler. p. 448.* de seipso scribit, nempe animalculum quoddam, millepedem formâ referens reni inhabitasse, sitimq; profluvium urinæ ac reliqua diabeticis symptomata produxisse.

XXXV. Simile quid ex Galeno recenset *Liddellius c. l. p. 258.* diabetem fieri à morfu dipsadis serpentis. Sed



Sed quāvis cum in aliis tum in *Aretæo lib. 11. c. 2. de sign. & caus. morb.* item in sæpius citato *Dureto p. 448.* inexplabilem sitim inde oriri videam, nullibi tamen veram diabetem. Quapropter hæc ipsa suis relinquam Autoribus.

XXXVI. Sitis aliàs præcipuum diabetis symptoma est, ut & eādē de causa diaplacus nominetur, referente *P. Æginetâ p. m. 467. H. Bertino p. m. 338.* aliisque. Diversa tamen in diversis subjectis ea observatur; plerumque inexplabilis ac intensissima, rariùs remissior ac tolerabilis.

XXXVII. Reddo autem hujus symptomatis duplicem rationem. Nasci enim potest, vel ex defectu salivæ, cuius materiam subducunt crebræ mictiones, atque tunc de ariditate linguæ simul queruntur ægri: vel ex defectu particularum pinguiorum in saliva. Contenta namque in hac ipsa (quæ vulgo audiunt) salia, quòd minus temperata sint, acrius fauces linguamque feriunt, adeoque sui ablutionem continuò poscunt.

XXXIIX. Sulphurea verò aut oleosa edulcorare posse salia, unicus satis evincit Vini Spiritus, æquè urinosa ac acida temperare aptus. Nam & hic ipse mediâ æstate sitim sedare solet. Conf. *Acta Philosophica Angl. Ann. 1667. p. 405.*

XXXIX. Originem æstûs, quod alterum symptoma diabeticorum dixi, si quis desiderat, eidem auctum acceleratumque sanguinis motum nomino. Jacturam etenim in renibus passam, sanguinisque defectum dum natura laborat restituere, velocius mittit arteriosum sanguinem; unde fieri non potest, quin sanguis æstuet, calorque præcipuè in regione lumbari percipiatur.

XL. Restat adhuc contabescencia corporis, cujus mentionem in definitione feci. Latere autem neminem fons hujus mali potest, qui cœterarum excretionum excessum, v. g. sanguinis, feminis, lactis ac fecum, attendit in quantum emaciare hominem ac debilitare possint.

XLI. Accedit & hoc, quod sanguis diabeticorum ineptus ad nutriendum sit, eò quod prorsus serosus, butyrosus autem, ut ita loquar, ac viscidis particulis destituatur.

XLII. Atque hæc sunt, quorum ad declarandam diabetis naturam meminisse placuit. Signa quod spectat, ne nulla eorum hoc in affectu fiat mentio, sufficiat indicare, hæc ipsa sic satis plana & extra omnem ferè difficultatem aut dubitationem posita esse.

XLIII. Dignoscet nempe diabetem quivis facillimè, atque vix unquam confundet cum cœteris mictionum generibus, qui modò dicta superius in definitione rite pensitaverit. Præ cæteris copia assumptorum & excretorum satis tutam dabunt diagnosin, non neglectis tamen circumstantiis reliquis.

XLIV. Prognosticum autem suppeditabunt vires, tum morbi, tum naturæ. Si quando morbi violentia indies crescat, vel saltem ad plures dies continuetur; ægroti contrà vires prostratæ sint, nec iterum surgant, mors certò expectanda venit.

XLV. Itaque ut naturæ opitulemur, mali verò robur frangamus, recta medendi ratio instituenda est. Emendari videlicet intemperies sanguineæ massæ, eademque pristina conciliari debet consistentia. Quo facto, reliqua spontè cessabunt symptomata.

XLVI. Ve-



XLVI. Veterum autem quidam ad effectum potius respexere in cura, quam ad causam. Cum enim copiam cernerent urinæ collectam, id laborarunt unicè, quo feri abundantia minui, ejusque affluxus ad renes intercipi, revelli, atque per alias vias evacuari possit.

XLVII. Optimum inde ex mente Aretæi *Ætius Tetr. III. serm. III. c. I. p. m. 547.* — judicat, si ipsa materia per sudorem divertatur. Suadet itaque ad exudandum in dolio factam evaporationem, eo modo, ut caput promineat, frigidumque æger attrahat aërem, reliquum verò corpus probè calefiat.

XLIIIX. Repetit hoc ipsum auxilii genus *Trincavelius de rat. cur. part. aff. lib. X. cap. 11. p. 301. B.* neve majori apparatu ac ornamento careat, flores rosarum, violarum, atque similia suaveolentia naribus objicienda jubet; scilicet ut odor reddat, quas sudor vires deprædatur.

XLIX. Nec inutilia esse purgantia judicat idem *Trincavelius p. 302. A.* præsertim ex mente Avicennæ alöetica aut ex rhabarbaro parata, quibus mel aereum, cassiam fistularem, tamarindos, diaprun. s. scam. syrupum rosar. solutiv. &c. addere non dubitavit *Vidus Vidius lib. X. de Cur. membr. C. 26. p. 618.* Videatur & *Forestus l. p. 445.* & *Capivaccius Pr. lib. III. c. 27. p. 736.*

L. Lubentius fortè adhibuissent hydragoga fortiora, quò facilius serum deplere ac ad posteriora revellere possent, si vires permisissent ægri. Mitioribus ergò acininus nocivis tales tractasse suffecit.

LI. Nec omittendum erat universale præsidium, Venæ sectio. Præscripserat eam Avicenna & *Ætius,*

nec Ægineta improbaverat, nempe in principio, antequam morbus invalesceret. Hanc etenim jecur ac universum corpus refrigerare, avertereque humoris impetum ad renes sperabant. Nec defuere postmodum, qui eandem repeterent cantilenam. Videatur *Georg. Berzinius Med. lib. XX. cap. 46. p. 770. D. Bruele p. 161. b. Vidius p. 618. &c.*

LII. Difficultate tamen hoc ipsum laborare consilium, de secunda in morbi principio vena, recte notavit *Trincavelius c. l. p. 301. B.* Vix enim quisquam affectus hujus initium attendit, multo minus Medici opem exposcit prius, quam vehementia symptomatum crescat, ac vires inde labascant.

LIII. Maximum porro diabetis remedium credidit *Ætius c. l. si frigidus potus ilico revomatur.* Nimirum turpe foret in morbo adeo periculoso quoddam auxilii genus, vomitoria, non tentasse. *Capivaccius* ergo, ne hoc in passu defecisse videatur, *c. l. p. 737.* ad libras quatuor frigida aquae propinat ægro, provocatque inde has iterum vomitu, tum in revulsionis gratiam, tum sitis levamen.

LIV. Miror interim, neminem adhuc consuluisse diabetico, ut se totum immergeret flumini, sic enim & potum sæpius ac vomitum reiterare, simulque sitim levare ac æstum liceret; præsertim, cum id ipsum non sine successu expertus sit juvenis, cujus historiam recenset *Zacutus Lusitanus Prax. Hist. lib. II. p. 446.*

LV. Quicquid sit. Censuram Medendi Methodi ac Practicorum mihi non sumo. Id cum Sennerto fateor, citra omnem vomitus, fecum, sudoris ac sanguinis profusionem, tutius diabeticum sanari, si modo il-



do illa adhibeantur remedia, quæ indicationes postul-  
lant.

LVI. Dixi autem supra, sanguinis consistentiam  
esse destructam, adeoque id allaborandum esse, ut iste  
pinguiorum particularum defectus refarciatur, san-  
guinique debita reddatur crasis.

LVII. Præstant hoc, ex vegetabili regno, refinæ  
ac gummata, rejectis tamen acrioribus. Optimo pro-  
inde consilio thus, gummi arabicum, & Tragacanthum  
ab *Arnold. de Villa nova & Gu. Bruele* præscribuntur.  
Mastiche præ cæteris commendatur à *Fiorovanto*. His  
addo nostrarum arborum, mali, pruni, pyri ac cerasi  
gummata.

LIIX. Nec contemnendus est amygdalarum dul-  
cium ac pinearum usus: conducent similiter sem. portu-  
lacæ, papaveris albi, lactucæ, sem. 4. frigid. similium-  
que emulsiones, ut & sem. cydoniorum ac psyllii mu-  
cilagines. Conf. *Vidius p. 619*. Retuleris huc ipsum Lau-  
danum opiatum ad gr. i. aut sem. subinde præbitum.

LIX. In regno animali solum lac sufficeret, uno  
ore ab omnibus deprædicatum. Attamen lac ebuty-  
raturum aut oxygalam Galeno dictam ipsi prætuleris  
haud immerito. Suam quoque laudem merebitur Ge-  
latina C. C. Nec incongruum foret fortassis leporis ce-  
rebrum, quod ipsum, ut & vesicam porci coctam pul-  
verifatamque, tanquam specificum ac occulta proprie-  
tate diabeticis conferre scripsit *Jac. Fontanus Med. Pract.*  
*lib. III. cap. 34. p. 205*. Quæ tamen laudare secure equi-  
dem haud possum, quia certa nulla experientia hæc-  
nus sunt approbata.

LX. Si libet, stercus capræ exiccatum in furno  
& pul-

& pulverilatum in ossa iungere fortè licet, ex consilio  
*Philippi Grülingii*, qui videatur in *Deutschen Arzney-*  
*buche* p. 346. Etsi & hîc usus sit consulendus.

LXI. Ex minerali regno Calx viva, adeò à  
*Villisio* commendata, corallia, terra sigillata & Bolus  
Armena se sistunt, hæmatites quoque ac martialia;  
item Tinct. Antim. aut ol. ritè paratum, ol. sulph. dulce,  
& in genere quæcunque metallorum Tincturæ genuinæ  
ac fixa sulphura effectum dabunt optatum.

LXII. Diætæ tandem ratio ne omittatur, rectè  
veteres incrassantem victum præscripsisse monendum  
est. Non enim inutile erit, oryzâ, mylio, alicâ it. ca-  
pite ac pedibus vituli suumque vesci, similibusque, quæ  
videantur in *Augenio c. l. p. 285. Vidiop. 617. Erasmo. Cons.*  
*Med. s. p. 195. ss.*

LXIII. De cætero potus detur non diureticus,  
aër eligatur frigidior, vitentur animi pathemata,  
non neglecto somno, quietam æger  
vitam agat.

S V F F I C I A T.

L. S. D.

